

出十頃坪大兔鵲堡移出响鈴塔白落城堡移出甌營塞門  
堡移出務柳庄不惟東西徑直而水草亦各便又于安邊營  
每二十里築墩臺共二十四接慶陽定邊營每二十里築墩  
臺十接環縣又沿北築墩臺三十四稠密聯絡緩急可策應  
也從之

薛應旂曰嘗巡歷其地營堡墩臺僅有遺址率多廢弛  
出入如履平地當事者自傳塘馳報收斂人畜外一籌莫  
展縱有請纓繫頸之心而委任權力則實有限言之督撫  
漫不為意求如王復者且不可得矣

庚寅罷山東按察司分巡遼東


甲午 皇長子 薨

乙未平 將軍楊信奏游擊將軍秦傑許寧都指揮江山河  
忠指揮神英等擊 小龍州濶擒偽右丞把總十一人斬二  
十八級獻俘戮于市

丁酉 都指揮使為右府都督僉事以兩廣功

遼東兵敗于分水嶺追出塞擒十二人獲男婦三百二十  
七人

除遼東大同寧夏甘肅帶俸差操之例




十二月己亥監察御史嚴沄為浙江按察副使仍督南京學校  
甲辰國子生鄧瑛言調永順等土兵之害請加約束從之  
乙巳進士俞蓋郭瑞龔晟李琮羅明婁謙江孟綸劉鎡鄺文  
江浙劉瑀戴珊邵智行人王哲知縣梁昉監生姚明李大綱  
為試監察御史

丙子夜月犯昴宿

丁未瓦剌太師阿失帖木兒入貢故事北貢自大同宴賞  
優于他夷至是挾朵顏等三衛人入喜峰口命禮如三衛貢  
北使哈三帖木兒不平通事諭之始悟上番書伏罪乃命仍

其故禮所求官秩惟給冠帶其蟒衣等不許勅阿失帖木兒  
曰爾祖脫歡以來朝貢有常時有定道今無故糾卜刺罕朵  
顏而來非制也今後冬月來朝不過三四十人自大同入  
都督僉事李杲有罪戍南丹衛

刑部左侍郎廖莊卒莊字安止吉水人宣德庚戌進士館選  
授刑科給事中賑飢陝西進大理寺左少卿景泰甲戌疏請  
儲大忤居亡何廷杖謫定襄馱丞天順初復官調南京歷復  
南京禮部左右侍郎性剛坦好面斥人尋則釋然晚節稍不  
逮贈刑部尚書諡恭敏



已酉樂城知縣張暄九年秩滿邑人乞留許之

故四川都指揮僉事臨淮劉雄贈都指揮同知予祭擊賊趙鐸死

庚戌陝西布政司右叅政朱英乞陝西各路設文臣總制武

臣總督便調遣報可

辛亥監察御史董廷圭等請禁越訴從之

四川益井衛瀘州地屢震是夕尤甚傾城躬廬舍

壬子給懷寧侯孫鏗原祿

提督荆襄四川軍務工部尚書白圭父喪乞終制不許

駙馬都尉焦敬卒

甲寅故事申戶部定例召商有富人呂銘等藉徑實奏中淮

鹽五萬五千得旨戶部不執議鹽政始壞

少保大學士李賢卒賢字原德鄧州人宣德癸丑進士授吏

部主事歷考功文選郎中景泰辛未超兵部右侍郎考察四

川頗不愜望還歷戶吏部天順初兼翰林學士直閣曹石忌

之降福建右叅政已拜吏部左侍郎進尚書進對無虛日應

變救時薦文武大吏多得人相業過于前後卒年十五九贈


太師謚文達

設遷曰 睿皇之復辟也旁求俊髦布列三事李公以特

國權

成化二年

三十一



達見知爰立作輔言行計從始終恩禮雖馬周之遇太宗  
不是過也當是時吉祥亨彪以翊戴之功晏姿貪虐覬覦  
神器賴文達調停匡救其間辛勤大亂坐臻太平其功烈  
偉矣晚以起復蒙訾毀予嘗竊議文達亦不能去之者受  
先帝顧命當主少國疑之時四上章請不許嗚呼義之所  
在將安所之論者弗度時宜聞者又復附和使公之志遂  
不獲暴白惜哉

已卯故後軍右都督陶瑾贈大同伯

太常寺少卿兼翰林學士劉定之直文淵閣

太僕寺少卿陳端報畿內山東河南馬騾印共四萬三千九  
百九十七匹

庚申報斷藤峽遺盜夜入潯州


辛酉旌建德義民何永敬義門七世同居

癸亥鎮守開原右監丞韋朗失事免監丞張鑑代已遼東太  
監李良留朗仍留任改鑑遼東監槍

甲子始報巡河監察御史初巡監兼攝

乙丑收京城貧民盡入養濟院

飭邊尚書王復奏陝西失事狀命項忠林盛趙英王安韓斌




俟處

丙寅黔國公沐琮為征南將軍總兵官鎮守雲南都督同知  
沐璿仍贊理

禮部右侍郎李希安為左侍郎仍署太常寺事

是年南畿奏土不產馬金請輸金或三十金或二十四金貯  
北太僕寺市馬各邊



國權

正命書南游密幅刻呂氏事

鹽官設遷孺木手著

成化三年丁亥

正月庚午魯府鉅野王奉澄薨謚僖順

辛未朝鮮國王李瑄貢海東青文魚

諭建州毛憐二衛裁貢使

壬申錄荆襄功工部尚書白圭進太子少保撫寧伯朱永進

撫寧侯益祿百二十石喜信左都督鮑政都督同知


毛里遜近邊命右都督劉聚都督同知張欽都督僉事王英

國權

成化三年

一

國家圖書館, NATIONAL CENTRAL LIBRARY, TAIWAN, R.O.C.



練京兵五萬備警

道錄司左玄義許祖銘以雨雪應祈乞恩不許

癸酉錦衣衛帶俸都指揮使武忠往諭建州毛憐等衛都指

揮董山等獎其悔罪歸順

丙子遼東廣寧衛地震

毛里狹來貢云太師字來弒馬可古兒吉思可汗我殺字來

嗣立可汗<sup>某</sup>少師幹羅出攻我敗走并殺可汗某制日無約

而請和者謀也其謹備

丁丑命雲南按察副使呂洪專巡邊撫夷

己卯 上南郊

庚辰 犯遼東鹹場城堡鴉鵲山屯梁家臺

錦衣衛帶俸署都指揮使武忠以董山等俱都督臣反位其

下遂進都督僉事


壬午藤峽賊陷容縣

癸未禮部言遼東薄貢夷致怨命善禮之

乙酉毛里狹侵大同 昏刺大星流游氣中三小星隨之

戊子以朝鮮獻海青白鵲諭後止勿上

己丑右軍署都督僉事宰用為叅將協同鎮守四川



庚寅蘇州知府邢宥加浙江布政司左叅政賜勅

前通政司欒憚卒憚齊河人監生授兵科給事中

壬辰洮岷諸番作亂

甲午沔池知縣王賓秩滿薦留任

丙申撫寧侯朱永為平胡將軍總兵官右都督劉聚都督同

知鮑政為左右叅將率京兵二萬勦

二月丁酉朔日食 毛里狹三上書求貢遣通事指揮使詹升

往報敕貢使毋過三百人遵邊衛約束

戊戌起服南京戶部左侍郎陳翼

己亥浙江左布政司黃琛為南京戶部右侍郎

前戶部尚書沈固卒丹陽人貢士授浙江同知止採礦擢戶

部員外郎郎中進山東左叅政已同大同總兵武安侯鄭亨

贊畫正統初進戶部侍郎值北狩括金帛犒 歷左右都御


史劾罷天順初起尚書先後雖無大建白在邊二十七年深

達 情上下安之

庚子翰林脩撰劉宣為右春坊右諭德

吏部奏起兵部尚書王竑中旨責竑避事仍致仕

辛丑都督同知趙瑛鎮守甘肅





套下移向寧夏罷延綏調兵歸鎮

癸卯巡撫大同右副都御史王越贊理軍務兼紀功

甲辰兵部尚書彭時歸省還朝

戶部尚書馬昂右副都御史林聰左給事中潘禮陳越清理

京營軍士司禮太監懷恩協贊

真定新城新縣邢政言都布按各及府有斷事理問推官專  
理刑獄各州縣則否獄情因察議擬罪名多憑吏典任意出  
入或駁回再問累歲未結乞法司分官詣外詳審輕重立裁  
幸甚議行之

乙巳宥彰武伯楊信罪

丙午英廟明妃武氏薨謚端莊

猺賊陷北流縣左叅將夏鑑等追敗之


丁未昏刻金星犯婁宿夜月犯角宿

戊申復御經筵

壬子錄平劉通功湖廣總兵官都督同知李震為右都督右  
副都御史王恕為左副都御史

故遼東署都指揮僉事鄧佐贈都指揮僉事諭祭

癸丑德王見潯之國濟南



乙卯夜流星自紫微東垣行閣道

丁巳進士賀欽胡智張謙成實俞澤陳鶴董旻楊理芮畿趙  
杲張林徐恪為給事中

湖廣總兵李震討討靖州銅鼓等苗斬二千一百餘級擒二  
百五十餘人

祀宋儒金華何基王柏金履祥許謙于鄉從浙江按察僉事  
辛訪之請

戊午監察御史董廷圭熊祥劾都督僉事昌英題字悞廷杖  
庚申江西紙廠火

甲子陝西文縣熟苗作亂殺百戶王昭

三月戊辰復高輅兵部左侍郎召直內閣


己巳下犯大同王越等禦之擒酋長帖留木兒等十二人斬  
二十七級

癸酉廣西陸川縣印盜失之更鑄陸川縣之印

甲戌南京右軍都督僉事房顯卒

戊寅罷兩廣提學僉事以他官兼之

辛巳內承運庫請開採助匱于是浙江福建各遣內臣採礦  
四川雲南即鎮守太監兼之科道諫沮不聽



甲申禮部尚書姚夔等條學校事宜行之

乙酉琉球入貢

左都督毛忠封伏羌伯歲祿千石

丁亥御馬監把總都指揮使李玉為都督僉事

戊子曉刺金星犯外屏西星

祭故司禮太監舒良

夜月犯十二諸侯代星

己丑北下齊王孛魯乃黃峇王毛里孩入貢二百八十一人

庚寅南京操江遂安伯陳韶揚州備倭都督僉事董寬各巡

上下江捕盜

辛卯逮遼東副總兵都督僉事施英下獄違節制失事

癸巳勅撫寧侯朱永璧代州左右叅將劉聚鮑政各三千人

屯大同宣府

下入遼東圍通遠堡

甲午京朝三品官子孫錄入太學


召左都御史李秉還院

四月丁酉大風霾

翰林編修江朝宗為侍講

國權

成化三年



命哈密故忠義王脫歡帖木兒外孫把塔木兒為左都督攝  
國王事賜勅印

已亥右副都御史林聰為右都御史

勅諭考郎兀等四十四衛都督撒哈良等曰我祖宗世授

爾官職積厚矣當感報以全臣節今背恩義縱部下犯邊

將屢請兵搗穴朕念爾部民俱朝廷赤子不可緊慘仍勅示

爾宜敬慎天道深體朝廷好生之德戒部屬草心向化還原

掠人畜贖前罪若惡長不悛大軍一出悔無及矣

辛丑馬昂林聰等同懷恩選五軍三千神機營見卒十四萬

三千九百九人上以其眾仍分十二營

壬寅遣行人祭告四川山川以益井衛沿邊寧夷等堡直抵

瀘州去年六月迄今地震三百七十有五軍民疑駭不安

勅各鎮守巡撫官覈流民給以牛種俾復業


癸卯起復威州知州何淵

丙午北毛里狹等入貢求報使不許勅勞之時瓦剌阿失

帖木兒強擊兵爭雄長是以不得并力我

丁未宣城伯衛顛為征前將軍總兵官鎮守遼東

宣府城震有聲



庚戌監生黃徵以祖少保尚書福不及廕乞如夏原吉子孫  
例量授一官下吏部報寢  
辛卯提督兩廣軍務韓雍等敗流賊于雞冠山斬七百四十  
五級俘賊屬八百四十九人又敗之瓦灶等斬四百餘級俘  
三百七十一人降勅獎諭

壬子巡撫遼東袁愷憂去

前軍都督喜信卒西域人錦衣衛指揮僉事累立功性傾險  
癸丑工部尚書白圭改兵部勅同定襄伯郭登太監裴富  
提督十二營太監劉永誠傅恭及三大營總兵月再赴團營


合練

兵部尚書王復改工部

左叅將鎮守遼東開原都督僉事曹廣失事降都指揮同知  
遼東開原備禦右監丞常朗左叅將都指揮使孫璟同分守  
開原

辰刻金星晝見夜月犯南斗杓星

乙卯平江伯陳銳領奮武營都督同知趙勝耀武營都督僉  
事王瑛練武營右都督劉聚顯武營都督同知鮑政敢勇營  
白玉果勇營左都督和勇效勇營都督同知馬良鼓勇營都



督僉事武忠立威營湛清伸威營都督同知張欽揚威營都督僉事李景振武營各同內臣協理  
丙辰太僕寺少卿陳端卒端父文俊永樂初自交趾降版授韶州判官入朝改太僕寺主簿端嗣職氣貌凝重與人交有禮雖遐外亦足多也

戊午北平李魯乃毛里狹入貢求報使不許賜勅勞之  
己未申令天下文武官軍折俸餉錢鈔兼支  
刑科左給事中毛弘等以 上朝廷內操今災變迭見政側身脩行思患豫防之時豈可以逸樂為事御史展毓等亦言

之報聞

庚申右僉都御史張岐撫諭保寧 人民召巡撫遼東  
癸亥建州左衛女直都督董山等聽撫入貢方物 上以嘗犯邊集諸夷闕下勅諭之皆輸服

五月乙丑朔傳制封見淇汝源王見洽昆陽王陽鐺鄒平王  
夜大星自河鼓流至奎宿數小星隨之  
丁卯 寇大同官軍擊斬三十九級俘十二人


壬申府宣大回地震有聲

癸酉監察御史李綱為太僕寺少卿

國權

成化三年

九



遼東總兵署都督僉事施英再違命逗遛失事論死

代府山陰王遜煤薨年四十九謚康惠

甲戌停遼東人參一年頻歲中卜巡撫袁愷以為言

乙亥命選畿內河南山東馬五萬匹順天寄牧馬二萬匹入

京城

丙子襄陵王冲炆以平涼求徙江楚不許

下陝西鎮撫三司議番僧入貢事宜初陝西按察副使鄭安

言番僧自烏思藏來者僅三之一餘皆洮岷近境寺僧詭名

希賞宜有以節之

丁丑錄四川平蠻功總兵官都督同知芮成進右都督巡撫

左僉都御史汪浩進左副都御史餘陞賞有差

辛巳南京工部右侍郎郝璜為左侍郎

前順天府尹王賢卒寧縣人貢士鄢陵訓導擢戶科給事中


居官有守京尹循良為稱首年八十三

壬午荆門州訓導高瑤上言正統己巳之變先帝北狩

皇上方在東宮宗社危如一髮使非郕王繼統則亂禍何由

而平鑾輿何由而返迨先帝復辟其貪天功以為己力者

遂加厚誣俾不得正其終願追加廟號展親之義事下禮



部議

戊子工部右侍郎霍瑄管易州山廠其貪天賦

已丑左都御史李秉提督軍務武靖伯趙輔為靖

將軍總兵官往遼東進師征建州女直

右都御史林聰署院

癸巳遣行人送建州女直董山等還并賜勅初賜宴董山罵

坐語不敬鴻臚寺通事署丞王忠言董山恐前路難制乞遣

官送庶不貽患

六月丁酉進士沈源蕭器用陳昭鄭節林榮張鸞朱謙陳莊為

南京監察御史

庚子崇德長公主請河間保定真定間田千餘頃戶部謂軍

民世業上不許是月始權蘇杭船鈔

辛丑成山伯王琮操江南京

右副都御史賈銓卒銓字秉鈞邯鄲人永樂甲辰進士授刑

科給事中出守大理值麓川用兵區畫不擾加右叅政歷左


布政使右副都御史巡撫山東河南績不甚著以姻大學士

陳文得內召賜葬諡恭靖


丁未忻城伯趙榮卒

國權 成化三年

十一







戊申兵部左侍郎商輅上言時事勤聖學納諫諍儲將才武行

舉之法飭邊備汰冗濫廣蓄積崇聖道謹士習 上嘉納之

雷震南京午樓

壬子周府封邱王有煜薨年六十一謚康惠

癸丑靖江將軍武靖伯趙輔報毛里狹擁數萬騎東行或構

朵顏諸夷不可不備

甲寅後軍都督僉事王順卒順山後人初金吾右衛指揮使

累立功

乙卯福建市舶副提舉羅倫復翰林脩撰調南京

太常寺少卿兼翰林學士劉定之言宋儒陳灝注禮記功宜

祀禮部謂行履未詳下江西南昌詢訪從之

丁巳刑科左給事中毛弘等乞召復前給事中王徽王源朱

寬李鈞李翔不允

己未大理寺右寺丞田景暘整飭山海等關邊備

辛酉四川戎縣山都掌蠻仍作亂命襄城伯李瑾為征蠻將

軍總兵官兵部左侍郎程信為兵部尚書提督軍務太監劉

恒監軍御史方紀功戶部郎中俞田主事陳傑治餉

壬戌曉刻金星犯井宿


國權 成化三年

癸亥卜寇遼東奉集堡指揮王昇等力戰擒二人斬十六級  
七月甲子大同稍寧召監軍太監葉達左叅將都督劉聚還師  
禮部主事高岡以討女直上二策曰攻取乘董山來朝命趙  
輔等拘于遼東曰戰守河西官軍不可動宜選京兵二萬半  
從征半守要害上是之

戊辰監察御史章璠為右僉都御史巡撫陝西璠嘗巡按畿  
內厚結管莊內臣中旨特用給事中沈瑤等劾其奸縱不聽  
己巳國子監學錄黃明善以征山都掌蠻言宋時多剛縣夷  
叛用白芳子兵破之白芳子即今之民壯多剛縣即都掌多

剛寨也宜選能吏招民兵協助又水稻十月而稔若收穀上  
寨難于圍困宜速赴江安等縣取其田禾不過三月蠻俱綏  
死大軍宜分三路南自金鷲池進大壩中自戎縣進箐前北  
自高縣進都掌大壩南百餘里界芒部西南二百餘里界馬  
蒙亟勅二郡土官自守毋黨惡彼據高崖峭壁火器難施宜  
用毒毬行烟順風燒之自下而上寨不能守又烏頭藥箭中  
虎豹立死上命採之

庚午逮甘肅右叅將都指揮黃裕下獄裕淫部卒女多不法  
乙亥旌山東按察使李裕等二十一人俱賜誥勅嚴州知府



張永常州知府卓天錫延安同知金全保安知州俞澤和州  
知州劉隆睢州知州謝光寶慶通判閔寬揚州推官王允弋  
陽知縣吳澹襄陽知縣李人儀鄒平知縣李儒益都知縣董  
淵岳池知縣陳琳定興知縣郭質山陽知縣馮謨荊門州判  
官俞誥泗州判官張禮長安主簿傅源俱賜誥勅褒異後遷  
擢不一而增城吳澹以丁丑進士年少治弋陽不携家累公  
退宿後堂推誠字民致稱最有古循吏風遷饒州同知卒弋  
陽迄今祠之

丙子南京錦衣千戶喻燾百戶陳璉毆戶部主事陳懷經俱

贖杖還秩輿論不平

丁丑中旨改章璠太僕寺少卿

已卯夜月食

庚辰追封漢董仲舒廣川伯宋胡安國建寧伯蔡沈崇安伯

真德秀浦城伯

巡撫寧夏右副都御史陳玠改巡撫陝西

提督軍務左都御史李秉言拘留董山非所以明漢大或先


遣家屬歸諭部落還所掠從之

辛巳召左都督和勇還京都督僉事廉忠為游擊將軍赴南

國權

成化三年

十四



丙廣

開封彰德衛輝蝗

壬午吏部尚書王翱致仕年八十四

遂安伯陳韶操江南京受益徒金械入京謫遼東

甲申曉刺金星犯積屍氣

乙酉諭群臣脩省兩京各勅

禮部尚書姚夔等乞避位皆不許

停河南採辦

丙戌召右叅將都督同知鮑政還兵

丁亥靈藏僧塔兒已堅祭嗣贊善王

已丑陝西左布政使強瑩為右副都御史巡撫寧夏

庚寅靖江將軍趙輔等召諭夷董山等一百一十五人于

行臺述上旨即出袖刀刺通事其在駟百餘人亦開俱囚之


辛卯太僕寺卿趙煜致任煜安南人錄入太學授光祿寺署


丞勤慎不失後賜祭塋

癸巳都督僉事王璘為副總兵王銓為游擊將軍赴遼東

八月乙未火星犯壘壁陣東星

丙申增江西督糧叅政南昌吉安臨江撫袁瑞饒管糧同知





丁酉 英廟和妃宮氏薨年三十八謚泰安

戊戌南京國子祭酒劉俊為南京通使司左通政俊質朴少文屢被論

巡撫蘇松右副都御史宋傑致仕

己亥戶部尚書張睿工部左侍郎霍瑄南京禮部左侍郎俞

綱南京工部左侍郎郝璜巡撫貴州延綏都御史李浩盧祥

太僕寺少卿張弘俱劾罷

始遣御史陝西巡茶以巡撫陝西都御史項忠言勢家私茶行人職卑言輕乞遣御史

庚子翰林侍讀學士周弘謨為南京國子祭酒

巡撫陝西右副都御史項忠召署院事

賊陷化州殺知州黃智

勅毛憐海西衛以封董山毋黨逆

癸卯曉刺金星入軒轅

戶部左侍郎薛遠為尚書總理京儲

丙子署蘇州府事浙江左叅政邢宥為左僉都御史巡撫蘇

松兼總理糧儲

丁未雲南湖廣左布政使陳宜王銳為右副都御史巡撫貴

國權

成化三年

十六

州延綏

庚戌後府帶俸都督同知季鐸都督僉事脫孫勒致仕

前兵部右侍郎王偉復職

吏科都給事中黃甄左右給事中董振紀欽給事中王秉彝

侯祥御史魏瀚滕霄曾英姚綬時延綏巡撫闕吏部推甄瀚

用其一已御史聯署劾甄瀚非其任曰詰濫舉者罪之甄寧

鄉霄富民英邵陽俱知縣綬永寧瀚潼川振泰州欽邠州祥

乾州秉彝澧州俱判官

辛亥成國公朱儀仍守備南京

庚子惠安伯張琮卒

丁丑 英宗睿皇帝實錄成賚諸臣金幣有差

戊午實錄思進監脩會昌侯孫繼宗太傅總裁尚書陳文彭

時俱太子少保文淵閣大學士副總裁太常寺卿兼侍讀學

士劉定之進工部右侍郎兼學士吳節進太常寺正卿仍兼

侍讀學士纂修學士柯潛萬安侍讀學士李泰俱少詹事兼

官如故太常少卿兼侍讀學士孫賢劉珣並太常寺卿侍讀


陳鑑劉吉俱侍讀學士侍講邱濬進侍講學士左諭德黎淳

進左庶子右諭德童緣劉宣俱右庶子修撰王一夔進右諭

國權

成化三年

七



德侍講江朝宗楊守陳俱司經局洗馬編修彭華尹直俱侍  
讀修撰彭教編修徐瓊陳秉中李永通俱侍讀檢討耿裕編  
修鄭環劉健汪諧吳鉞羅璟俱修撰檢討周經進編修稽考  
叅對編脩李東陽倪岳謝鐸焦芳陳音程敏政檢討吳希賢  
俱進級

定延綏燒荒直抵河岸

庚申前後軍都督同知李鐸卒


山後人

辛酉杞水成臯馬駟移于獲嘉改元村馬駟

九月癸亥朔禮部左侍郎幹鄒為南京禮部尚書

進士方昇黎福吳文元楊守隨張進祿戴縉王濬程瑛張瑋  
劉仁魏秉王賓張傑林誠董韶翟廷蕙王繼戴用陳蕙王相  
蕭蒼李錦監生馬進申剛劉謙陳廷玉毛存誠彭頌為試監  
察御史

甲子巡撫宣府右僉都御史葉盛言難民脫下中例充御馬  
監勇士否則回原籍被侮多走下為間今乞原籍免其徭役  
馬而來仍給馬則逃人感慕也又詔書優老民年八十以上  
有司給布絹帛米酒肉九斗以上給冠帶而不及軍軍民何  
之有上從之



戊辰巡撫宣府左僉都御史葉盛為禮部右侍郎葉盛言百  
年來文武名臣永寧伯譚廣鎮守廣西都督山雲浙江都督  
許亨寧夏都督張泰文臣忠朴如王直胡濙高穀清德如儀  
智薛瑄陳漣吳溥楊翥吳訥峻節如錢習禮李時勉廉恭如  
師達古朴顧佐王質魯穆李棠楊信民軒輓王宇才望如金  
忠張本魏源張駿羅汝敬劉忠敷鄺楚王佐王恮侯璉徐琦  
王士嘉李嘉段民焦宏金問薩琦王恂張鳳沈翼年高賈銓  
師道如胡儼陳敬宗他如魏驥陳泰李敏馬謹亦有可稱又  
殉節如鄧榮等尤足矜念當優卹下部令子孫各具官資行

蹟以聞從之

辛未湖廣江西旱饑賑之

壬申巡撫大同右副都御史王越兼巡撫宣府

癸酉占城國王槃羅茶悅入貢


丙子兵部右侍郎李震為左侍郎

起服翰林脩撰王獻已許終制

戊寅錦衣衛正千戶萬貴為指揮僉事

故永寧伯譚廣追封永寧侯謚襄懿

己卯進士余瓚為翰林院庶吉士仍譯書





監察御史焦顯予告卿右都御史林聰停俸入朝誣聰貪婪

廷訊伏罪降莊浪衛城子堡駙丞

左春坊左庶子黎淳等以東宮專職非舊制乞命大臣兼領  
不許

庚辰增河南按察僉事提督屯糧

癸未廣東電白縣移于神電衛

停江西湖廣災賦

丙戌入石首人王宗義五世同堂旌其門

提督遼東軍務左都御史李秉靖將軍總兵官武靖伯趙

輔等征建州夷分左右哨五道各萬騎是日出塞

辛卯傳制封秦堪魯王陽鐸魯世子見滌樊山王同錄上洛

王同銀魯陽王子場永寧王

建夷屯薄刀山左哨擊卻之明日以都指揮柯忠等三千騎

薄賊擒六人斬百五十餘級右哨歷尖產八季款赤馬木冬

李古納等寨擊斬九十七級擒十三人

壬辰左哨追至五嶺擒十八人斬六十四級又擊斬百三十


八級擒十四人

南京守備司禮太監覃包言建庶人吳庶人天順初安置鳳

國權

成化三年

二十



陽其家帳幔靴俱敝盡又十八歲給布縑綿絮今死五日  
減給女奴四人俱無衣布宜補給從之

十月癸巳朔右哨至松林山擒十七人斬百三十九級

乙未禁豪強攬納商稅

通政使右通政陳嘉猷卒餘姚人景泰辛未進士授禮科給  
事中嘗再使朝鮮滿刺加歷今官憂去起復

丁酉左哨抵建州先匿其族屬僅驍二百餘征戰擒二十

七人斬五十六級

己亥右哨至摩天嶺松林子擊斬二十九級擒二人

丙午四川戶口食鹽鈔六貫改收斗米


庶吉士宋應奎李傑章懋黃仲昭商良良為編修劉鈺陸淵  
之畢瑜鍾晟王俊石淮授各部主事翟鏐章鎰施純授科  
給事中謝文祥李瑤張誥邵有良鄭已何純授御史

戊午英廟宸妃萬氏薨年三十七謚靖莊安穆

己未暫閉四川密勒山銀場

增貴州解額六人雲南四人

壬戌提督軍務左都御史李秉靖將軍總兵官趙輔告捷  
俘九十九人斬五百三十六級詔善後班師右哨至潑猪江



左軍至分水嶺中軍至古城俘畜產甚衆朝鮮遣康純將兵萬人協攻破兀彌寨斬李滿住及其子吉納哈等三百餘級擒二十餘人焚其積聚遣使獻俘厚賜

十一月丙寅勅遼東巡撫右僉都御史張岐贊理軍務

遼東左叅將都指揮使孫璟卒新鄉人

知驍勇善戰東胡畏之呼莽孫


戊辰前太子太保吏部尚書王翱卒翱字九臯益山人永樂

乙未進士館選授大理寺正左遷行人楊士奇薦御史正統

初擢左僉都御史鎮守江西尋理益浙江督兵松潘歷鎮陝

西遼東謫邊超進副都御史歷左右都御史出總兩廣拜吏部門無私謁嘗曰吏部豈報復恩仇地耶方嚴質直駁歷中外俱鎮靜不煩家無餘貲始終清白保全名節視古大臣無愧云李賢言臯陶九德公有其五亂而敬授而毅簡而廉剛而塞強而文年八十四贈少保謚忠肅

袁袞曰世稱王公知人喜推轂比士夫立賢無方豈分南北哉蓋亦矯枉之過也然王公所薦皆至公非若今之務援引其鄉人不問其才否驟置之津要以樹私黨市恩也以予觀之若王公者雖謂之九德咸備可也



乙亥封外戚都督同知周壽慶雲伯

丁丑朝鮮國陪臣叅判南倫卒于京師歸其喪

己卯遼府湘陰王貴瑁薨年二十謚安僖

乙酉召提督軍務左都御史李秉還朝

董山伏誅

十二月甲午貴州猺楊光顯等五百餘人掠湖廣武岡

乙未南京內監舍人阮權等盜太廟神御珠冠伏誅

丙申四川右布政使鄭寧為太僕寺卿

丁酉毛憐衛女直指揮同知苦女等三人屢犯邊磔于市

戊戌廣平同知郭和南宮李知縣李聰邢臺知縣邢琬平鄉

知王濬俱卓異賜勅誥

己亥河南按察僉事宋榮受陽武知縣魏遺除名

庚子禮部會議景泰廟號俱不敢決請上裁左庶子黎淳


奏言邸王即帝位承國于何君受命于何主在當時雖曰主

少國疑四方多事然周成王時姬旦實有功之叔父何不遂

取天位雖曰神器久虛不無無人然共和之際周召皆王國

之懿親何不共分姬室特以君臣有定分而不敢耳先帝

明並日月事處已久人心已定若悞聽高瑤而加邸王廟號




必祭告太廟行祔享之禮必遷梓宮造山陵必追贈 皇太后皇后之稱且高瑤有死罪二誣 先帝于不明陷 陛下于不孝必有小人指使之否則草茅踈賤敢上煩天聽者哉上報曰景泰已事朕不介意臣下顯言獻諂俱不必行時謂淳長者而傷郿王德

設遷曰昌邑王既廢未聞復為漢某帝更始既廢未聞復為漢某王 景帝豈其倫哉無論社稷功即正位七襪非甚失德被一虛號安見其溢黎太朴篤行君子也力詆高瑤至曰必小人指使之此何異同文之獄也獻諂希恩赫

哉明綸庶子無所蒙其面矣言行君子之樞密可不慎哉 辛丑左都御史李秉為吏部尚書

鄭曉曰泰和益山始合房杜終效蕭曹秉正懸公官評清允繼之李崔姚尹或方毅守文或敏達應務雖有煩言亦能稱職弘治初逐豐城而起三原素負時望群情欣悅盧氏金陵鈞陽並稱名碩矣

謫翰林編脩章懋臨武知縣黃仲昭湘潭知縣檢討莊景桂陽州判官時命儒臣撰明年元燈夕詩詞懋等上言張燈之舉 陛下孝養兩宮然大孝養志四方多艱民不聊生此正



宵旰焦勞之時 兩宮同憂天下之日翰林論思代言為職  
雖日供奉文字然鄙俚不經之詞豈宜進于君上請一切禁  
止 上以 祖宗故事怒其訛議各廷杖調外時稱翰林四  
諫并及羅倫

癸卯禁京城內外增脩寺院


勅薊遼宣大守臣曰近海西女直報北 毛里狹通朵顏三  
衛聲言鵬月同三衛掠遼東毛里狹掠北邊其善備之

楊守謙曰自景泰至今殆百年言三衛與北 交通者屢  
矣卒未導北 自其地入寇也豈怨脫 殺掠之禍雖交

通而防之嚴耶彼雖夷狄豈不愛其妻孥牲畜哉使北  
入其地先不可保矣此言三衛犯遼東則其交通者固亦  
泰寧福餘哉

丁未前禮部左侍郎許彬卒寧陽人永樂乙未進士館選歷  
檢討編修脩撰己巳大理寺少卿改提督四夷館太常少卿  
景泰初迎 英宗塞上進寺卿復辟進今官已見擠調南京  
降陝西叅政致仕性坦率無拘檢交不擇類狎習吟咏晚執  
政欲謝客而故交騰謗矣年七十六

戊申保定侯梁瑤卒仁恕數總兵柄未嘗妄侈一人子弟



從征皆不受官贈蠡國公謚襄靖

襄城伯李瑾尚書程信等進兵攻山都掌蠻右都督芮成自  
戎縣入右副都御史陳宜率叅將吳經自芒部入都指揮韓  
忠自普水腦入貴州總兵吳榮為左哨自李子関入左副都  
御史汪浩率叅將宰用為右哨自渡舡舖入俱會大壩兵及  
李子関渡舡舖賊據險飛梭下礮如雨諸官軍以神銃勅弩  
擊卻之


甲寅河南左布政使楊璿為戶部右侍郎少詹事萬安為禮  
部右侍郎河南右布政使魯翬為刑部左侍郎山東左布政  
使彭誼為工部左侍郎

乙卯焚大軍焚落崖落魏等砦自是日有斬獲焚龍背豹尾  
等砦

丙辰清京營占役命兵科給事中崔儀御史溫琮  
丁巳御馬監葉達以江西長河峒功求兄錦衣千戶葉成官  
從之進指揮僉事

戊午朝鮮國王李瑒奏獲建州賊屬勅瑒閉關隘絕董山奔  
道處誅之

己未許朶顏泰寧衛市耕牛桑具



國權

成化四年戊子

正月甲子傳湖廣清軍御史

戊辰改臨武知縣章懋湘潭知縣黃仲昭南京大理寺左右

評事桂陽判官莊景南京行人司右司副

朝鮮獻建州之俘前遣中樞府知事康紀夾攻斬三百八十

六級擒二十三人勅勞之


辛未申殿中糾儀及賜宴班次中書舍人李應禎言宴賀執

國權

成化四年

一

國家圖書館, NATIONAL CENTRAL LIBRARY, TAIWAN, R.O.C.





事非舊制故有是命

甲戌上南郊

乙亥四川都指揮唐聞等攻天井洞

餘殲之

初山都掌蠻退保大壩而貴州兵躋其後四川雲南兵已攻

左右蠻驚潰連破二十餘寨斬五千餘人擒二千餘人餘走

天井水磨二洞

丙子夜月食不宴

戊寅令江浦等縣輸紅土止內臣採辦

庚辰上思州土官黃英宣化縣獠民班劉記等互仇等殺遣

勸廣西鬱林州等盜殺署都指揮僉事林聰陷興安縣殺

縣丞傅琮入思思古邕堡殺百戶王祥上切責韓雍等

壬午封川訓導萬顯以保障功薦試封川知縣

韓雍告捷諭令盡平餘寇

甲申分守荆襄右叅將都指揮同知王信兼提督南陽軍務

丙戌夜月犯南斗魁第二星


己丑勅大同宣府兵互援禦

論平建州功益太監黃順歲祿少監張璘為太監右監丞常

國權

成化四年

二



郎為右少監左都御史李秉太子少保武靖伯趙輔進封武  
靖侯右僉都御史張岐為左僉都御史都督僉事王銓王英  
俱都督同知署都督僉事武忠署都指揮使黃欽署都指揮  
僉事韓斌周斌俱實授餘陞賞有差

二月壬辰朔免高郵去年田租六萬五百餘石

乙未許錦衣副千戶王時世襲

王翱子

戊戌署太常寺事禮部左侍郎李希安為尚書狗蔣守約例  
時謂執政之失  
已亥昏刺大星犯昴宿月星

辛丑定博徒輕重論罪時械博徒死三十餘人


壬寅府軍前衛副千戶于冕乞改文階除兵部員外郎  
癸卯國子司業張業歸省

南京刑部尚書劉孜予告

提督四川軍務兵部尚書程信上山都掌蠻之捷獲銅鼓數  
十斬五十級擒二千人

丙午翰林脩撰羅璟上六事勵聖志樂聖學接群臣辨賢否  
優臺諫崇節儉 上是之

丁未巡撫河南左副都御史王恕為南京刑部左侍郎



戊申勅諭南京右僉都御史高明同太監王允中清理兩淮  
鹽法

己酉昏刺大星犯天街上星

庚戌夜月犯昴宿

辛亥琉球入貢


御史艾福等論李希安羽士罷經筵侍班

癸丑黔國公沐琮奏太監羅琮梅忠同鎮雲南今珪卒乞毋  
再遣 上并罷忠中旨御用監太監錢能鎮守雲南能胡種  
兄弟四人俱入內黃緣出鎮滇患始棘

丙辰貴州二司官視雲南給駟

戶部會上鹽法事宜

己未四川叙南衛指揮同知李鑛破山都掌凌霄城險峻  
不可登賊梯其前巢焉南則深箐數十里無人跡鑛率三千  
人從其南循崖而北梯雪再宿至後山賊不覺也攻斬三百  
六十級鑛手斬五級墮崖死無筭當道削其二級獨不進秩  
大軍先後斬千餘級俘賊屬四百獲銅鼓十七牛馬器械亡  
筭焚二百餘砦始諸夷聞大軍至留老弱守砦壯者皆遁深  
箐食木皮至飢死困之一月死且盡然自昔攻圍者皆以他



故而退賊平奏捷改大壩為太平長官司

庚申羽林前衛都指揮使阮太遠東都指揮使夏林俱為都督僉事建州功

三月壬戌增雲南布政司參議按察司僉事各一管銀場

甲子免湖廣虛糧百七十餘萬石

丁卯夜月犯五諸侯南第一星

乙丑夜月犯五東車南星

戊辰戶部右侍郎楊璿改右副都御史撫治荆襄南陽流民夜月犯鬼宿

己巳都督同知馬良為征蠻將軍總兵官鎮守廣西

庚午夜月犯軒轅大星

壬申夜瓊州地震

癸酉命祭宋丞相李綱于邵武學舍從教授張儕之請

免湖廣戶口鹽鈔二年

丙子自二月來連窺寧遠鉄嶺懿蒲潘陽前屯命嚴備

戊寅免應天安慶逋租


夜月掩心宿東星

辛巳建州夷糾朵顏三衛寇遼東開原

國權

成化四年

五



甲申施州衛經歷黃浦復為廣東按察使

戒外戚請乞田土著為令戶科左給事中邱弘言之

丁亥廣東左布政使陳濂為右副都御史巡撫廣東福建按

察使張鵬為左僉都御史巡撫廣西韓雍專提督軍務

四月庚寅朔給慶雲伯周壽涿州田六十三頃時方厲禁壽冒支

癸巳錄故右都御史顧佐左都御史軒輓左副都御史馬謹

禮部右侍郎王士嘉南京刑部尚書耿九疇南京戶部尚書

沈翼子孫入太學

山都掌蠻平賊奔天井水磨等洞幽暗不可入室洞月餘殲

之初聞大兵至留老穉守砦壯者走深箐削食木皮而死若

再閱月死殆盡俄兵退殆天不欲絕其類與

昏刻木火星合于井宿

甲午故都督僉事周能贈慶雲侯


進士曹言為福建道御史

乙未陽武侯薛琮卒

丙申夜大星自亢宿流軫宿二小星隨之

丁酉夜月犯軒轅大星

戊戌太僕寺立庫收馬價



庚子申三品以上績著者方廕

巡撫遼東右副都御史張岐奸利事部卒上訴命給事中鄧山刑部員外郎周正方往按之

丙午久旱齋禱祭告

夜南京都察院獄逸六十四人

戊申工部左侍郎彭誼改右副都御史巡撫遼東

已酉程信等班師

罷脩西山塔院遣番僧阿叱哩還國尚書姚夔等言之

安南兵千人據廣西憑祥縣地

封西僧劄巴堅叅為萬行莊嚴功德最勝智慧圓明能仁感  
應顯國光教弘妙大悟法王西天至善金剛普濟大智慧佛  
劄實巴為清脩正覺妙濟普慈護國衍教灌頂弘善西天佛  
子大國師鎖南堅叅為靜修弘善國師端木也夫為淨慈普  
濟國師俱賜告身時西僧以祝密教得幸服食器用僭擬王  
者出入乘棕輿金吾仗前導縉紳避路每入宮誦經咒贈予  
駢蕃錦衣玉食者几千人封號至數十字


壬子兩京湖廣山東河南旱

昏刺金木星合井宿

國權

成化四年


七



癸丑遷瀘州衛于渡舡舖改大壩曰太平川設太平長官司  
甲寅刑科給事中白昂上六事謹命令以全大信修治化以  
止流民禁科徵以甦民困專委任以草民奸立期限以集庶  
物警虛偽以息刁風命下諸司行之  
丙辰錦衣衛指揮僉事朱驥提督五城兵馬治盜  
丁巳旱災法司錄囚遞減等  
太僕寺卿劉鄭寧為左僉都御史巡撫宣府節節善西大和  
銀課買辦段三萬匹俱減半  
太子少保禮部尚書兼文淵閣大學士陳文萃文廬陵人正

統丙辰進士授編脩進侍講薦拜雲南右布政司寬平得民  
天順初進廣東左布政司憂去戊寅拜詹事府癸未直閣李  
賢當國輒懷忌撓之及代賢遂恣聽通賂名望大損贈少傅  
謚莊靖

戊午戶科給事中賀欽言姚夔等請修政弭災明旨曰內事  
朕自處置外事使斟酌行 陛下遇災而懼之盛心也陰曠  
頓開次日微雨自是以來旱勢日增豈 陛下心勤于前而  
後怠與抑群臣虛文無為助耶伏望者躬責已詔求直言絕  
游宴之樂正冒濫之賞嚴君子小人之別通君臣上下之情



于宮闈則正名溥息于經筵則延訪緝熙將見天心之應必  
成湯之禱桑林周宣之訖雲漢不轉災而祥未之有也欽又  
上章自劾乞罷不許

五月庚申朔太僕少卿陳俊為戶部右侍郎署光祿寺事禮部

右侍郎李春為工部左侍郎

以兵科給事中陳鶴言仍復天下附學生

辛酉四川按察僉事顏正為整飭瀘叙兵備副使


壬戌通政司右通政劉璉為光祿寺卿

癸亥京營把總都指揮使韓忠為右軍都督僉事叅將統理

川永寧等衛

禮部主事陸淵之論故大學士陳文僉德彰聞縱子為惡莊  
靖美謚也陳文何足當此乞削其美名更以惡謚 上以傷  
逝不允

郭子章曰譙周降晉施宜生任金劉整降元而列之人物  
則薰蕕同器靖難死節諸臣建言廷杖諸臣不一生傳則  
忠義落魄尉遲迥宇文忠臣也不著其死義而反以為作  
亂先民高涼義婦也不為之立傳而僅見祠廟費孝先  
皇甫坦術士也柰何與紀信魏了翁同傳戶口尺籍大政





也柰何不與土產衛所同編諸如此類不可枚舉嗣有編者以當釐正

乙丑頒一統志


昏刺月犯軒轅左角星

丙寅命南京守備太監安寧成國公朱儀尚書李賓錄囚時  
早久應天府尹畢亨請緩刑弛力

萊州知府張諫為太僕寺卿

監察御史李傑前巡按山東時市狐裘等不予直被訐下獄  
除名

丁卯工部右侍郎兼翰林學士劉定之上四事曰求天地之  
心 皇上天也中宮正后地也今久旱風霾天氣不和是天  
地之心未暢意者以過中宮正后稍疏欲上自正后及妃嬪  
進見先後悉循其序故垂戒如此 皇上宜體天地之心俾  
嗣續蕃昌宗社永固曰 祖宗仁愛子孫其至無窮也是以  
英宗皇帝出建庶人等配耦生聚蓋善繼善述之大者今  
邴王妃女也及笄矣宜令禮部為擇婚此為體 祖宗之意  
亦和陰陽致雨澤之理也曰伊傅告商嗣王必法成湯旦奭  
告周嗣王必法文武我 太祖皇帝德業隆盛臣願 陛下



取其御製諸書史臣所纂寶訓與大學衍義貞觀政要相及  
間進講以比商周子孫取法文武成湯曰帝天制治保邦異  
端佛老不與焉今太平日久民生日衆物產不及供奉而內  
奉朝廷外給邊境日增月盛又復糜費于此其何以堪今先  
朝所賜寺觀塔院即未能盡闢去之姑存其舊勿再增廓  
上不報

戊辰傳制封祁鎮鄭王祿埤肅王見瀟襄邑王誠泳鎮安王  
歲貢生值事越三年外不補貢

己巳日本國王入貢

壬申召遼東總兵官宣城伯衛穎

都督同知趙勝為征下前將軍總兵官鎮守遼東都督同知

趙英為副總兵鎮守涼州

月犯房宿


甲戌詔順天尹存恤孤貧

監察御史鄭文祥言陳文謚忠靖夫睿通克服曰莊慎以處  
位曰靖制行不檢如文貪墨如文而猶獲此美謚或慕而效  
之天下國家尚奚賴哉 上不聽

乙亥曉刻月犯南斗魁第二星

國權

成化四年



梁傳嗣保定侯

梁瑤子

巳卯增沿江捕盜指揮

庚辰昏刺火星犯鬼宿

壬午翰林侍讀陳秉中改南京

癸未遣刑部郎中陳儼大理左寺正劉濟往南畿錄囚各省

令按察副使楊瑄等同巡按御史

昏刺大星入鬼宿犯積尸氣

戊子博羅縣訓導游宣乞從祀先儒熊禾廷議羽翼未著命

祀建陽


六月壬辰前巡撫遼東左副都御史張岐有罪除名

甲子故右都督贈大同伯陶瑾謚武毅

丙申金星晝見

戊戌日本國譯使林從傑以軍波衛人陷倭寇乞便道省墓許之

已亥尚京刑部尚書劉孜卒改萬安人正統乙丑進士授御史諫止南遷擢山東按察使左布政使薦進右副都御史巡撫江南民甚德之遷南部以嚴為治性清執持法或刺年五十八賜祭葬



陝西開城縣王達滿俊作亂俊故元平涼萬戶把丹孫也降  
胡雜居曰土達初衆七百人俊居涼州三岔溝族類寢盛時  
行劫去年陳价撫陝西通渭逋民匿滿俊所里長追捕俊殺  
之訴于价命按察僉事蘇燮逮治靖 叅將劉清固原守備  
馮傑皆索馬貨雁翎其急土達成思亂平涼衛指揮滿璫檄  
率鎮撫火敬等二十餘騎往捕滿俊等遂聚衆陰殺之劫璫  
掠苑馬寺馬據石城以叛石城距固原州西北一百五里四  
壁削立中有石井五各衝丈餘惟一路可登地甚險即唐石  
堡城王忠嗣所謂非殺數萬人不能克者也

庚子錦衣衛指揮朱驥上禁盜安民事設軍馬增夫役責典  
守禁淫佚究容隱清館舍命行之


昏刻月掩星宿

癸卯尚膳監太監潘洪以任貴中兩淮鹽五萬九千引許之  
戶部言 祖制食祿之家不得中鹽 上曰然其勿與

乙巳廉州試知府林錦為廣東按察僉事撫治廉欽靈山石  
康等夷民錦令靈山著聲及試守殫厥力撫集流亡

夜月犯十二國秦星

丙午旱災免江南田租二百八十八萬六千三百餘石



庚戌監察御史鄭已張浩謝文祥劾尚書姚夔舉用張岐之  
罪下文祥獄

癸丑陝西巡撫右副都御史陳价總兵官寧遠伯任壽寧夏  
總兵官廣義伯吳琮叅將劉清延綏都御史王銳叅將胡愷  
會兵三萬討滿俊寧夏兵道近先至趨石城賊請降有卒馮  
清頗知兵曰我軍夜至罷矣即行乏水飲未可戰姑許以乘  
賊琮叱之賊迎戰都指揮邢瑞先遁我大潰失指揮王震等  
二百餘人軍資喪盡賊得舊元帥府印部署其衆脅諸夷土  
達同叛南掠河西官道得衣糧萬計勢益張价與壽琮走保

東山兵在旁山者

甲寅 慈懿皇太后崩遺詔曰予以菲德獲配 英宗皇帝

奉承宗廟輯寧邦家多歷年所不幸 裕陵上賓予惇嫠鮮

祐賴今 皇帝荷天之休光嗣丕圖海宇莫安予與 皇太


后同受天下至養又四五載慈孝雍和亦既兩盡茲寄壽命

有期永終天年復侍 先帝左右素願無歎焉永惟 祖宗

創業垂統弘大崇重 皇帝直以萬幾為意不得過于哀戚

云 后都督海州錢貴女年十六正中宮 英宗北狩 后

每夜哀籲倦則臥地曰損肢及目從南宮七年勤勞備至




英宗預屬 后合葬年四十三

丙辰禮部言孟秋享太廟 大行皇太后哭臨未畢移至七日 上命仍朔祭不以甲廢尊也

詔議山陵大學士彭時曰禮定矣梓宮祔 裕陵主祔廟復何言疏引前代二后並祔如漢文帝尊生母薄太后仍祔嫡呂太后宋仁宗尊太后生母李宸妃仍祔嫡劉太后今 皇太后與 慈懿皇太后存日雍和無間自同陵廟命下廷議太監夏時調 皇太后宣言 裕陵法不宜動時曰 慈懿母天下三十年所矣今隔于 先帝何以明 陛下孝也

七月戊午朔禮部尚書姚夔等會議陵廟並祔 上以 皇太后未允當別葬如禮翊日少詹事柯潛國子祭酒邢讓等三十三人言不可明日魏國公徐浦等都督 等錦衣衛指揮 等三十五人共言其不可禮科左給事中魏元等二十九人監察御史康永韶等四十八人禮部尚書姚夔等吏部尚書李秉等四十四人諸議相同言各如之禮科都給事中毛弘曰執論在此其時矣于是百官相率伏文華門諸大臣或袖手觀望給事中張賓呼曰諸君受恩厚柰何諸臣趨而哭聲聞 上懇請 太后自己至申刻允合葬文武百官



乃退

設遷曰 慈懿祔陵廟受命 先帝突有異議則一二佞  
閹獻媚迎合而諸臣堅執不遺餘力伏闕洒泣至情懇  
能無動轉圜之聽哉然 茂陵孝奉 兩宮故傾葵易格  
自非然者將無事君之數乎

癸亥巡按江西御史趙啟為江西按察使

甲子曉刻土星犯天囷西第一星

己巳中軍帶俸都督僉事武忠為都督同知  
謫謝文祥南陵縣丞

庚午賜廉州知府勅往大郡多賜勅廉州多盜故請之

癸酉命太監劉祥監軍巡撫陝西項忠總督軍務都督同知

劉玉為平 副將軍總兵官都指揮同知夏正劉清為左右

參將以京邊兵討滿俊戶部員外郎張振督餉

丙子上 孝莊獻穆弘惠顯仁恭天欽聖睿皇后尊謚

已卯頒謚詔

庚辰召太監王允中南京右僉都御史高明


壬午下宣城伯衛穎都察院獄以鎮遠東畏 引疾被劾


癸未賜吉安知府許聰勅吉安豪民健訟故請勅

國權

成化四年

十六





乙酉進士林正魏景釗薊盛徐光葉廷榮楊溥李釗張岫錢

山王浩徐英馬震傅萬鄭昱薛為學張玉吳禔鄒儒監生李

鑑邊完王漢為試監察御史

丙戌趙溥嗣忻城伯 趙榮子

夜流星自外屏行至天苑

丁亥旌永寧宣撫司奢貴率兵濬運河協擊山都掌蠻

八月庚寅襄城伯李瑾還領五軍營

南京大理右少卿夏時正為南京太常少卿

癸巳京師地震有聲

懷柔伯施鑑下獄錦衣校尉從內臣領紅袖車出城不避且

杖之鑑贖杖奪祿三月

夜月犯房宿

己亥前巡撫延綏右僉都御史盧祥卒東莞人進士授南京

禮科給事中好議論頗通術數在延綏留心邊事

戊申逮陝西巡撫陳价總兵官任壽右叅將劉清寬廣義伯

吳琮趣項忠等進兵時武臣各欲出師閣議方遣項忠不宜

撓故俟其區畫

己酉錦衣指揮僉事馮瑤緝捕沿江盜販



錄山都掌功兵部尚書程信兼大理寺卿襄城伯李瑾進封  
侯左都督羅秉忠封順義伯都督僉事穆義為都督同知餘  
陞賞有差

設遷日程襄毅以司馬受賑凱捷之日無宮銜武廕以優  
之昔之慎賞乃爾

庚戌南京大理寺卿馬文升為右僉都御史巡撫陝西

壬子定陝西軍興納米例

癸丑都督同知白玉鎮守陝西

後府都督李英疾去

甲寅曉刺月犯軒轅  
九月戊午減徵南畿鹽鈔

停陝西布政使余子俊叅政龐勝僉事胡欽等俸滿俊亂故

巳未夜客星見星五度


庚申 孝莊睿皇后祔 裕陵隧道西通 皇太后壽藏隔

先帝數丈而塞 上欲更定欽天監以歲忌阻之

辛酉發粟賑陝西飢

癸亥客星色蒼白芒三丈變為彗

丁卯部院諸大臣引咎乞罷允戶部尚書馬昂致仕餘皆慰




留之

設遷曰伏闕時馬昂註疾蓋不欲忤 母后也反曰之被  
幸劾解組人亦自行其意何至揣逐世好并所守兩失之哉  
戊辰彗見東北

己巳彗見室宿南

追回西域僧劉寶巴賜田時乞靜海縣田宛平佃戶業許之  
兵科左給事中邱弘等劾其妄請詔覈實仍歸之民  
上幸萬貴妃居昭德宮專夕時戎服男飾益嬖之兄弟驟貴  
顯萬通錦衣都指揮婦王氏出入掖庭朝士趨之 科給事

中魏元等言流聞 陛下于中宮有參貳之者尚書姚夔等  
言之今昭德宮膳不減 中宮不增衽席雖微懸象甚著且  
震宮尚虛豈可以宗廟社稷之大計竟愛專情一不求所以  
固國本安民心哉又旱澇盜賊尚書馬昂等視為泛常遇喜  
則覆移彼處斟酌遇怒則曰事體窒碍難行微有利害則伏  
乞聖裁持尋常活套之言為終身經濟之策是猶子訴飢寒  
而父母罔聞也乞罷征税亟遣官賑濟又番僧奉養過于親  
王乞革法王等號發回本國又賞賚無節玩好太多或印寫  
佛經或畫像琢玉願屏絕玩好罷斥不急之務其雲南礦場



悉宜停止 上納之

監察御史康永韶等言大本未建太子者天下之大本也古  
人主一娶九女以廣繼嗣今前星未耀實切憂惶伏望均六  
宮之愛協宜家之祥庶螽斯繩、麟趾振、朝廷寵遇番僧  
有佛子國師法王等號儀衛過于王侯服玩擬于供御又中  
國之人習番教圖寵貴真番僧尚無益况此欺詐之徒哉宜  
查係番僧資遣還國若係中國追其成命餘言賞罰財用賑  
濟備禦 上皆納之

庚午監察御史胡深等劾閣臣商輅兵部尚書兼大理寺卿

程信禮部尚書姚夔太子少保戶部尚書馬昂不聽翊日早  
朝兵科給事中董旻面疏上責其非制蓋劾疏非廷宣則封  
入云

昏刺彗犯三公星


辛未 孝莊睿皇后主祔廟

昏刺彗犯北斗搖光星

壬申 上素服視事勅群臣脩省

癸酉楚府永安王季墊薨年六十謚莊惠

甲戌吏科左給事中程萬里請有司存省賑貸陝西又毛里



狹久不貢宜簡京營萬騎宣大各萬騎每三千人為一軍驍  
將統之探毛里狹所在出不意晝伏夜行直抵其壘破之心  
矣廷議毛里狹今不犯邊興師非計 上是之

邱濬曰天下大勢南北異域江以南地多山澤所生之物  
無間冬夏且多通舟楫縱有荒歉山澤所生可食者衆而  
商賈通舟貿販為易其大江以北若兩淮若山東若河南  
亦可通運惟山西陝右之地是皆平原古時鐔道今皆湮  
塞雖有河山地氣高寒物生不多一遇歉歲所資者草葉  
木皮而已所以其民尤易為流徙宜特遣臣僚尋商旅入


關之舊路接河舡入渭之故道若歲運嘗數有餘分江南  
漕運之羨以助之一遇荒歉舟楫陸輦以往是皆先事之  
備有備則無患矣

宥巡撫四川汪浩守備永寧都指揮林晟罪

丁丑昏刺慧犯七公星

戊寅錦衣衛都指揮使白全武成後衛都指揮使白紀為左  
右府都督僉事金吾右衛都指揮使王受湖廣都指揮使汪  
鐸並為前府都督僉事平蠻功

已卯前中府帶俸都督僉事顏通卒 宛平人世千戶



辛巳前廣西右政使夏時卒錢塘人進士嘗建均徭法

壬午昏刺彗入天市垣

甲申廷訊給事中董旻等三人御史胡深等八人時商輅姚夔程信乞退旻等論其求退皆其欲進之意飾非強辨而攻夔尤力上怒其違命再劾下錦衣衛法司執訊尋釋之

十月丁亥朔左副都御史項忠至固原州賊乞降不許忠及總兵劉玉當其中延綏參將胡愷軍酸棗溝伏羗伯毛忠軍木溝左參將夏正軍打刺池寧夏副總兵林勝紅城都指揮軍張貴軍羊房堡


已丑傳制封勉岫光陽王謚鏞方城王謚鈇西鄂王謚錡邲城王徵鉅襄城王復董旻胡深等官

總督軍務左副都御史項忠討賊方略止濟師時彗西見或疑之忠曰賊無援食少可破也兵法禁祥去疑正在今日

辛卯增兩淮都轉鹽運司副使一判官二

鎮守金齒都督僉事胡誌卒定遠人世金齒指揮使

甲午吏部尚書李秉以庶官屬民取財監生久以科目至貧乏故仕而貪婪請身言書判考分等第四者無一給冠帶還家從之秉自是賈怨



已亥災異考察兩京官降斥有差詹事翰林不預官

錄囚 上親覽獄詞減釋甚衆

甲辰中山王尚德滿刺加頭目八刺思各入貢

上午朝尚書李秉姚夔白圭王復侍郎崔恭尹旻楊昂陳俊

萬安葉盛李震李春李顯等及科道不入侍待罪宥之

乙巳彗出天市垣漸微

癸丑兵部左侍郎商輅為尚書工部右侍郎劉定之為禮部

左侍郎兼官直閣如故

甲寅戶部兵左侍郎楊昂為尚書

彗西犯天屏

十一月庚申夜彗滅

伏羗伯毛忠討滿俊于石城擒二十四人斬七十級旋師

半山俄中流矢死指揮周璽費澄力戰死朝廷聞之大懼議


撫寧侯朱永出師大學士彭時等以項忠必能辦賊第擇甲

侯報項忠乃斬甘州先奔丁千戶以狗督師陟山蒐兵填行

遂圍之而宣所獲以捷告日梗賊道汲者率為師所獲焚

近城薪芻賊始困延綏師陣東山壓賊門都指揮魯鑑以莊

浪兵為殿戰死者衆馬文升遣驍騎候賊邀東山兵擊之獲



數十人都指揮劉晟以甘肅兵三千至賊始懼挾壽乞降俊  
乘間柵山請戰我砲焚其柵縛木梯填道城內外多死傷  
甲子二百餘犯遼東官兵擊敗之  
浙江泰順縣多礦盜命太監盧永鎮守浙江吳旻鎮守福建  
捕盜仍理銀場

丁卯修武伯沈煜為征西將軍總兵官鎮守寧夏

南京科道會劾成國公朱儀兵部尚書李賓吏部右侍郎章  
綸刑部右侍郎王恕工部右侍郎范理大理少卿金紳應天  
府尹畢亨俱當治命禮部葉盛右侍郎刑科都給事之毛弘


往接之

遼府蘄水王貴樓薨年四十五謚靖和

戊辰朝鮮國王李瑒卒訃聞謚莊惠

辛未命游擊將軍許寧率宣大三千騎西援

丁丑土達滿俊就擒官軍絕石城汲道賊漸迫驍將楊虎  
出降總兵劉玉與之誓若能擒俊官指揮賞五百金此原購  
也虎狸期明日戰東山上詰朝俊率銳數百人果出東山官  
兵奮擊虎狸以俊至賊大敗其黨漸潰散偵其北走追斬八  
千級石城平乃夷其險班師釋滿壽調西安衛撫其餘衆



高岱曰滿俊之亂起于邊將之不恤下云雖然非我族類其心必異狼子野心之衆乃使之聚處邊境密邇塞下王鮪北泳越鳥南翔能保其百年無異圖哉今降胡多處畿輔之地國家承平彼何敢肆萬一胡馬南牧氣類感召則滿俊之亂不但固原已也往也先寇京師間亦有說幸其驅蕩平定之早耳當時云侯事定處之而迄今宴然何哉五湖之蚌往轍具存江統郭欽之說予于滿俊事重有感也陳建曰項襄毅坐困滿俊可比趙充國之坐困西羌而彭文憲商文毅主議不移無媿魏相朝廷有人社稷之福也

使當時滿俊不殄而與套下連兵則誠可懼然則京軍雖往徒費餉搖人心何益耶


甲申旌蒲州知州徐孚吉州知州伍琇龍陽知縣李泰和州判官張翀臨朐知縣卜釗淄川知縣劉文寶雞知縣馬傑賜勅誥

丙戌翰林脩撰王獻為左春坊左諭德

十二月戊子下千騎冠延綏

少詹事柯潛憂去乞祭葬許之

翰林檢討馬誠梁翰為崇府左右長史





駙馬都尉薛桓卒尚長德大長公主

辛卯清中書舍人之選時技術乞恩勲舊錄用其濫不一中書舍人黃瑄等乞如永樂宣德間皆進士監生例從之定甲乙榜擢員外郎監生擢主事其他光祿寺署正大理寺寺副著為例

乙未旌真定知府邢簡濟南同知王璟滁州知州周正永平通判段機新樂知縣韓文長洲知縣蘇鐸賜誥勅  
戊戌武昌地

庚子雲南道御史戴用上六事勵實行精考察公薦舉均爵

爵弭盜賊草宿弊 上納之令四品以上官吏部具名請裁方面官如正統例保舉餘付所司詳擬以聞

甲辰巡撫蘇松左僉都御史邢宥清理兩浙鹽法

丙午吏部覆郎中夏寅奏設浙江福建巡撫報寢


故夔州通判王禎贈同知故戎縣知縣李旺贈叙州通判

卜二千餘騎寇延綏游擊將軍許寧提兵過宣府值于孤山

堡擊敗之


庚戌右叅將李榮為左副總兵鎮守甘肅都督僉事白金領

右叅將




周府遂平王子瑋薨年四十七謚榮靖


壬子御史邵有良巡視光祿責報實費吏不應扶之中官田  
保忌其強執云會計上快大不敬 上怒杖有良謫蒲江知縣  
遣大監鄭同崔安封世子李暉朝鮮國王太監沈繪祭李瑀  
已遼東巡按御史侯英言鄭同等道擾困民且同安俱朝鮮  
人族墓皆在于故國未免跪拜如天朝何乞改遣翰林或給  
事中以行人副之 上深然其言









國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches © The Tiffen Company, 2007



Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]



國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.









3393405 v.22

國家圖書館, NATIONAL CENTRAL LIBRARY, TAIWAN, R.O.C.





國權

成化五年己丑

正月丁巳大星光燭地自星宿流至近濁

戊午左府帶俸都督僉事夏霖乞仍遼東不許

乙丑 上南郊

夜月犯五諸侯南第一星

丁卯南京吏部右侍郎章綸右僉都御史高明考察庶官綸  
欲就年齒別衰壯而明于年六十以上者槩應留又御史無


國權

成化五年

一

國家圖書館, NATIONAL CENTRAL LIBRARY, TAIWAN, R.O.C.

監官設遷孺木著





斥者坐是不協互有改易致猜恣吏科給事中王讓要自尊  
考察時欲並坐九列不見許于是率諸僚不赴綸等奏罷戶  
部郎中負外郎主事孟時等共九十六人 上見各官不同  
署疑之綸言其故讓等與御史劾綸子玄應冒籍登科舉馬  
瑛素性貪人也綸妄薦為順天治中及諸細事綸明並乞罷  
上命禮部右侍郎葉盛吏科都給事中毛弘覆考如舊綸明  
置不問

巡撫貴州陳宣劾少監鄭忠南寧伯毛榮役占又鎮守雲南  
太監錢能道橫需索乞徵回從校報聞

戊辰吏部尚書李秉大計罷斥千五百六人

己巳夜月入鬼宿犯積尸氣

庚午夜月食既


壬午許晉府奉國中尉鍾缺嗣永和

永和王濟煥之孫美塢廢廢人

甲戌署都指揮僉事都勝鎮守儀真並提督揚州通泰兵


乙亥韓王徵鈔薨年三十謚曰惠

丙子吏部尚書李秉罷草太子少保秉典銓一意守法侍讀  
彭華嘗屬其群從彥寅立斥之內臣某欲遷鄉人官不聽左  
侍郎崔恭覲代位右侍郎尹旻嘗學于秉皆屈意下之多聽



從人遂言權歸侍郎秉自是不聽兩人稍却秉鄉人為小吏  
數當適賂主事道求升郎中張宇功阻之道曰言宇功于秉  
大詬堂上宇功手案籍面質颺言必是乃公否者私今郎所  
持公乎私乎乃公信讒枉我、不能官恭旻皆是宇功以形  
秉失秉為字功謝乃罷又御史康永韶嘗聞秉言姚夔商輅  
程信馬昂不稱前星變永韶曰合眾請汰京官刺夔等秉覆  
奏考覈大臣夔等皆銜秉大計所罷斥科目人快、卑官冗  
吏累奏群擯呼號道逢旻上書請都御史覆考得留九十餘  
人旻恭時、外形秉短刑科給事中泰和蕭彥莊險而附勢

與大理寺卿王槃同郡有連槃亦幾秉去代之謂彥莊李公  
二子治郡縣無狀不自斥免乃糾他人彥莊合、因劾  
秉職司考察若布政孫遇之老儒邱陵之囓貪僉事李齡之  
衰疾並以親婚不在斥列薦舉大臣獨一張鵬、亦秉私至  
于監生入仕初無考退之例乃俾勤勞平生不沾寸祿保舉  
奏章原有辨印之比乃俾竟入選調冒濫寶多任情去官以  
片言為怒喜恣意選除未一考輒遷徙且暗結年深御史附  
已專權、上下廷議云當罷斥太子少保致仕並罷孫遇邱  
陵李齡等復詰彥莊以年深御史對指不輒具實、上怒乃



以劉璧吳遠馮徽對俱下錦衣獄贖杖謫璧漳浦知縣停彥  
莊俸三月而邱陵訴彥莊嘗奉使過其治所嗔無禮際深用  
心仇怨章五上求與理遂同下獄廷鞫坐彥莊奏事不實降  
四川永寧駙丞陵復山西左布政使致仕方東被劾時人勸  
其辨東曰辨涉固位但語諸公毋傷國體令乘入獄貢士俱  
會試投卷奮罵曰李公天下正人奸邪誣之李公若罪我曹  
願不試以贖及秉薄責乃止彥莊至永樂未几署大寧縣奇  
罰怨家殺之蘭陽邱陵貢士歷山西左布政使福山孫遇進  
士歷河南左布政使潮陽李齡貢士歷江西提學僉事俱治

才任路有聲

設遷曰銓地固怨府也鑑空衡平以自持則可其遭剝受  
削私旨快、勢所必至李執中急于進賢奉法循職不幸  
整于讒口拂衣歸田亦甘之矣相傳劾章出王槩又彭時  
右之商輅欲用姚夔群賢彙征彼矛此盾非國之幸也

戊寅夜月犯心宿

巳卯夜流星自氐宿行至近濁


辛巳吏部左侍郎崔恭為尚書

岷州衛指揮劉通深入番寨撫諭生番三十餘族熟番十有

國權

成化五年

四



四族俱來歸

二月丙戌朔潘州番夷掠鉄城後川二寨指揮同知張翰擊斬  
十二級

戊子許撫寧侯朱永世襲

立西安衛

庚寅水旱免瀘州榮昌大足銅梁榮江安納溪田租

壬辰太常寺卿兼翰林院侍讀學士劉珣侍讀學士劉吉主

試禮闈

癸巳曉刻金星犯牛宿

甲午謫監察御史康永韶順昌知縣馮徽潞州判官吳遠夷

陵州判官刑部主事余志廣州通判永韶等與志互訐俱下

獄無實

乙未南京戶部左侍郎陳翼為尚書

兵部右侍郎王偉疾去

丙申夜月犯木星鬼宿

丁酉追劣生食廩免充吏

濟寧人李獻言貢夷擾駟乞遣官約束命伴使禁之

庚子誅滿俊等三百五十七人

國權

成化五年

五

